

影印
文淵閣

四庫全書

影印

文淵閣四庫全書

第九六六冊

北京出版集團公司
北京出版社

本冊目次

天 中 記(二)

明 陳耀文撰……………一

欽定四庫全書

子部

天中記卷二十二

詳校官中書臣李彤

主事臣祁韻士覆勘

總校官候補中允臣王燕緒

校對官編修臣王天祿

錄錄監生臣葉世倬

欽定四庫全書

天中記卷二十二

頭

明 陳耀文 撰

頭頭獨也處體高而獨尊也首始也釋名首頭也顛頤頤

頤類大頭也顛小頭也文說

神居頭者神所居上圓象天氣之府也歲必十二故人

頭長一尺二寸元命苞

欽定四庫全書

天中記卷二十二

精主頭者精明之主也素問

牛首神農牛首伏羲人頭蛇身帝系譜

長頭湯長頭而寡髮晏子

投棘豎牛奔齊孟仲之子殺諸塞闕之外投其首于寧

風之棘上昭二

沈首景公田於梧丘夜坐睡夢見五丈夫倚徙稱無罪

公問晏子曰昔先公靈公出畋有五丈夫來驚獸悉斷

其頭而葬之命曰丈夫丘命人掘之五頭具在公令厚

葬之子晏

飲器知伯兼范中行而攻趙不已韓魏反之軍敗晉陽

身死高粱之東趙襄子最怨智伯漆其頭以為飲器國策

智伯身死三國分其首以為杯韓子此智伯之所以國亡

而身死頭為飲杯之故也韓子襄子擊智伯斷其頭以

為觴呂覽義賞智伯遂卒被分漆其首以為洩器韓喻

三頭相咬眉間尺逃楚入山道逢一客客問曰子眉間

尺乎答曰是也吾能為子報讐尺曰父無分寸之罪枉

欽定四庫全書

天中記
卷二十二

被荼毒君今惠念何所用耶客曰須子之頭并子之劍

尺乃與頭客與王王大賞之即與鑊煮其頭七日七夜

不爛客曰此頭不爛者王親臨之王即看之客於後以

劍斬王頭入鑊中二頭相齧客恐尺不勝自以劍擬頭

入鑊中三頭相咬七日後一時俱爛不可識別乃分其

湯肉而葬之今在汝南北宜春縣界名曰三王家也吳越

春秋魏惠王徙都于宋城號梁王為眉間尺任敬所殺三

人同葬故謂三王陵晉北征記

小頭白起平原君勸趙孝成王受馮亭王曰受之秦兵

必至武安君必將誰能當之者乎對曰澠池之會臣察

武安君小頭而面銳瞳子白黑分明視瞻不轉小頭而

面銳者敢斷決也瞳子白黑分明者見事明也視瞻不

轉者執志強也可與持久難與爭鋒廉頗為人勇鷙而

愛士知難而忍恥與之野戰則不如持守足以當之王

從其計嚴尤二將敘

持頭往謝周末巴國有亂巴國將軍晏子請師於楚許

欽定四庫全書

天中記
卷二十二

以三城楚王與師晏子既平巴國既而楚遣使請城晏

子曰吾城許子之君矣持頭往謝楚王城不可得乃自

刎以頭與楚子楚子嘆曰吾得臣若巴晏子何以城為

乃以上卿禮葬晏子頭巴國葬其身亦然照周三巴記

刎墮荆軻謂樊於期曰今得將軍之首與燕地圖秦王

必喜而見軻軻將左手把其袖右手提其腰則將之積

忿除矣於是起扼腕執刀曰是日夜所欲而今同命於

是自刎頭墮背後兩目不瞑以函盛於其首與軻入秦

燕丹子

無頭佳漢武時蒼梧賈雍為豫章太守有神術出界討

賊為賊所殺失頭雍上馬還營營中咸走來視雍雍留

中語曰戰不利為賊所殺諸君視有頭為焦無頭佳乎

吏泣曰有頭佳雍曰不然無頭亦佳言畢遂死

錄異花傳

敬定長安人至德中從崔光遠入蜀討段子璋有功封

嘉祥縣公後又平寇單騎鏖戰已喪其元猶騎馬荷戈

至鎮下馬沃盥適浣沙女語云無頭何以盥為遂僵仆

欽定四庫全書

天中記
卷二十二

居民葬之溪上廟祀之杜甫歌成都猛將有花卿學語

小兒知姓名

懸梁孫敬字文寶好學晨夕不休及至眠睡疲寢以繩

繫頭懸屋梁後為當世大儒

漢書

觸屏御史大夫陳萬年子咸亢直有異才萬年常召咸

於床下教戒之咸睡頭觸屏風萬年怒之咸叩頭謝曰

具曉所言大要教咸諂也萬年因不復言

上

頭為白岑彭引兵從車駕破天水與吳漢圍隗囂於西

城勅彭曰兩城若下便可將兵南擊蜀虜人苦不知足

既平隴復望蜀每一發兵頭鬢為白

東觀漢記

長頭賈逵自為兒童常在大學不通人間事身長八尺

二寸諸儒為之語曰問事不休賈長頭

後漢書

設祭束帛辟牽招為督軍從軍紹卒事袁尚後遼東送

尚首懸在馬市牽招觀之悲感設祭頭下太祖義之

魏志

夢生角魏延字文長義陽人延夢頭上生角以問占夢

趙直直告人曰角之為字刀下用也頭上用刀其凶甚

欽定四庫全書

天中記
卷二十二

矣延後果誅楊儀蹋延頭曰庸能復能作惡不

蜀志

落頭秦時南方有落頭民其頭能飛其種人部有祭祀

號曰蟲落故因取名焉吳時將軍朱桓一婢每夜卧後

頭輒飛去或從狗竇或從天窗中出入以耳為翼將曉

復還數數如此傍人怪之夜中照視唯有身無頭其體

微冷氣息纔屬乃蒙之以被至曉頭還礙被不得安兩

三度墮地噫咤甚愁而其體氣急狀若將死乃去被頭

復起附頸有頃平和桓以為巨怪不敢畜乃故遣之

神搜

記占城國即什書所言王舍城也有尸頭蠻本人家婦

女但眼無瞳人為異夜寢則頭飛去食人家小兒冀失

被妖風侵腹必死飛頭回合其體如舊前知而俟頭飛

去移體別處回不能合則死人家有此若不報官除殺

者罪及一家

流涯
勝覽

玉枕劉壽少時遇相師曰君腦有玉枕必至公也後至

太尉

長沙著
舊傳

照鏡不見蒼梧太守吳臣據郡邑不恭王命孫權遣步

欽定四庫全書

天中記
卷二十二

騭為交州喻臣臣照鏡不見其頭騭因入斬之

王隱
晉書

頭在樹上甘卓還襄陽意氣騷擾舉動失常自照鏡不

見其頭視庭樹而頭在樹上心甚惡之

晉

甘卓為楊威

將軍歷陽內史郡人陳訓私語人曰甘公頭低視仰目

中有赤脉當厄於兵勿為將可也果為王敦所害

上

巾壘杵秦始皇元年頭責秦子羽曰吾託子為頭萬有餘

日矣大塊稟我以精造我以形我為子置髮膚置鼻耳

安眉須插牙齒眸子攝光雙顴隆起每至出入之間邀

遊市里行者辟易坐者踈蹠或稱君侯或言將軍捧手

傾側佇立崎嶇如此者故我形之足偉也吾欲告爾以

養性誨爾以優游而以蠶蟲同情不聽我謀悲哉俱寓

人體而獨為子頭且擬人其倫喻子儕偶子不如太原

溫顓穎川荀寓范陽張華士卿劉許南陽鄒湛河南鄭

訓此數子者或寒嚙無官商或阨陋布言語或淹伊多

姿態或謹諱少智諳或口如含膠飴或頭如巾壘杵而

猶文米可觀意思詳序攀龍附鳳並登天府夫舐痔得

欽定四庫全書

天中記
卷二十二

車沈淵得珠豈若夫子徒令脣舌腐爛手足沾濡哉

世說

縮頭祖廣字淵度行恒縮頭詣桓南郡始下車桓曰天

甚清朗祖叅軍如從屋漏中來

上

易頭河東賈弼之晉義熙時為琅玕府叅軍夜夢一人

面瘡皯甚多鬚大鼻間目請之曰愛君之貌欲易君頭

可乎弼曰人各有頭面容有此理明日又夢意甚惡之

乃于夢中許之明日朝起自不覺而人悉驚走藏云那

漢何處來弼取鏡自看方知怪異因還家家人悉驚入

內婦女走藏云那得異男子弼坐自陳說良久併遣至府檢閱方信後能半面笑半面啼兩手足及口中各捉一筆俱書辭意皆美皆為異也餘並如先俄而安帝崩

恭帝立

此明錄

尖頭古弼為尚書令大武大閱將校獵於河西弼留守詔以肥馬給騎人弼命給弱者世祖大怒曰尖頭奴敢裁量朕也朕還臺先斬此奴弼頭尖世祖常名之曰筆頭是以時人呼為筆公後世祖云筆公必不與我

魏書

欽定四庫全書

天中記卷二十二

范長頭范岫長七尺八寸姿容奇偉范雲謂人曰諸君進止威儀當問范長頭以岫多識前代舊事也

南史

角出高祖生馮翊波若寺皇妣抱帝忽見頭上角出遍身鱗起大駭墜帝於地為人龍顏額上有五柱入頂目

光外射有文在手曰王

隋紀

三首三首國其為人一身三首

山經

九首共工之臣曰相柳氏九首以食于九山

上

魂兮來

歸若無上天些一夫九首拔木九千些

楚辭

三台頭為三台君

洞神經

崑崙太一流珠安崑崙

黃庭內經

子欲不死脩崑崙

上外注

頭為崑崙

高臺頭為高臺腸為廣野

上

泥丸一面之神宗泥丸腦神精根字泥丸

黃庭經

腦神名

覺元子字道都

神回元經

斷頭易冠今有人於此斷頭以易冠殺身以易衣世必

惑也是何也冠所以飾頭衣所以飾身今殺所飾而要

欽定四庫全書

天中記卷二十二

所以飾則不知所以為矣世之趨利似此亦不知所為

也

呂覽

面

顏面面顏前也顏眉目之間也

周

面不正也頤短面也

頤面黃也

周

面瘦淺

周

也赧面慙赤也

大宅靈宅既清玉帝游面為靈宅一名尺宅以眉目口

鼻之所居故為宅大洞經云面為尺宅或為赤澤字

黃庭經

太子陽氣見于眉宇之間浸淫而上幾滿大宅注大

宅面也七發

神庭九華真妃云面者神之庭心悲則面憔悴有童面之經真誥

帝面蒼帝方面赤帝圓面白帝廣面黑帝深面河圖

如生晉侯敗狄于箕先軫免胄入狄師死焉狄人歸其

元面如生傳三十三

不同鄭子產曰人心之不同也如其面焉吾豈敢請子

面如吾面乎襄六

欽定四庫全書

天中記
卷二十二

長三尺衛靈公有臣曰公孫呂身長七尺面長三尺馬

廣三寸鼻目耳具而名動天下荀子

得艾楚白公作亂殺子西子期于朝而劫惠王子西以

袂掩面而死葉公在蔡方城之外皆曰可以入矣及北

門乃胄而進又遇一人曰君胡胄國人望君如望歲焉

曰日以幾若見君面是得艾也哀十六

有光孔子謂盜跖曰將軍身長八尺二寸面目有光脣

如激丹齒如齊貝音中黃鍾而名曰盜跖丘竊為將軍

恥不取焉莊子

絮履吳王將死曰吾以不用子胥言以至於今死者無

知則已死者有知吾何面見子胥也遂蒙絮履面自刎

說苑

怒面田光曰竊觀太子客無可用者夏扶血勇之人怒

而面赤宋意脈勇之人怒而面青武陽骨勇之人怒而

面白光所知荆軻神勇之人怒而色不變燕丹子

創面哀帝初即位博士申威毀給事中薛宣不供養行

欽定四庫全書

天中記
卷二十二

喪服薄於骨肉不宜復列封侯使在朝省宣子況為右

曹侍郎數問其語賅客揚明欲令創威面目使不居位

會司隸缺況恐威為之遂令明遮砍威宮門外斷鼻脣

身八創事下有司況減死一等宣坐免為庶人漢書

希見朱博為人廉儉不好酒色游宴自微賤至富貴食

不重味案上不過三桮夜寢早起妻希見其面上

創頰朱博為左馮翊長陵大姓尚方禁少時曹盜人妻

見所創著其頰府功曹受賂白除禁調守尉博聞知以

他事召見視其面果有癩博辟左右問禁是何等創也
禁自知情得乃叩頭服博笑曰大丈夫固時有是因親
以為耳目上

滅癩孔休守新都相休謁見莽莽緣恩意進其玉具寶
劍欲以為好休不肯受莽因曰誠見君面有癩美玉可
以滅癩欲獻其玉珥耳

犁面耿秉為征西將軍鎮撫單于以下及囊南單于舉

國發哀犁面流血東觀漢記

欽定四庫全書

卷二十二

半面應奉字世叔年二十時嘗詣彭城相表賀賀時出
行閉門造車匠於內開扇出半面視奉奉即委去後數

十年於路見車匠識而呼之後漢書

聖面徐庶名福本單家子少好任俠擊劍中平末嘗為

人報讐白聖突面被髮而走魏書

似驢諸葛恪父瑾面長似驢孫權大會羣臣使人牽一

驢入長檢其面題曰諸葛子瑜各跪請筆續其下曰之

驢舉坐歡笑乃以驢賜恪吳志

炙面真女謝仙女者謝承孫也吳歸命侯采仙女充後

宮仙女乃炙面服醇醢以取黃瘦竟得免會稽後賢記

不洗稽康性復疎嬾筋驚肉緩頭面常一月十五日不

洗不大悶癢不能沐也絕交書

疵面趙孟字長舒入鋪尚書都令史善於清談有國士

之風其面有疵點諸事不決皆言當問疵面也王隱晉書

最窟琅瑯諸葛忘名而病鼠瘻劉真長見歎曰鼠乃復

窟穴人面乎郭子

欽定四庫全書

卷二十二

白面陳郡謝石字石奴少患面創諸治莫愈乃自幽遠
止於岩下中宵有物來舐其創隨舐隨除既不見刑竟

為是龍而舐處悉白故世呼為謝白面吳苑

梨刺初王恭販梟首於東街王平之袖梨刺其面晉書

紫面劉牢之面紫赤鬚目驚人而沈毅多計

如鐵劉裕於東府聚樗蒲大擲一判應至數百萬餘人

並黑犢唯裕及劉毅在後毅次擲得雉大喜褰衣繞床

叫謂同座曰非不能虛不事此耳裕因援五木久之曰

老兄試為卿答即成盧馬毅意殊不快然素黑其面如

鐵色焉上

白面書生沈慶之謂帝曰耕當問奴織當問婢今論畢

伐問白面書生事何由濟宋書

如田明帝大會新亭接勞諸軍王携蒲暗官李安人五

擲皆盧帝大驚目安人曰卿面方如田封侯狀也上

作面劉瑀為右衛將軍因求益州甚不得意至江陵與

顏峻書曰朱脩之三世叛兵一日居荊州青油幕下作

欽定四庫全書

天中記
卷二十二

謝宣明面見向族叔秀之為丹陽瑀又與親故書曰吾

家黑面阿秀遂居劉安眾處朝廷不為多士南史

如刻畫崔陵字長儒狀貌偉麗善于容止李渾將聘梁

名輩畢萃于詩酒正歡陵復到一坐無復談話鄭伯猷

嘆曰身長八尺面如刻畫聲款為洪鐘響習中著千卷

書使人那得不畏服北史

破面齊東昏即位多行殺戮沈昭畧與沈大季徐孝嗣

同召入省例賜藥酒昭各罵孝嗣曰廢昏立明古今令

典宰相無才致有今日即擲甌投孝嗣面曰使作破面

鬼齊書

馬面斛律光字明月馬面彪身神爽雄傑少言笑工騎

射初為侯景部下彭樂謂高敖曹曰斛律家小兒不可

三度將行後奪人名北史

狹長宗如周南陽人有才學以府僚隨營後至度支尚

書如周面狹長蕭譽以法華經云聞經隨喜面不狹長

嘗戲之曰卿何為謗經如周跋踏自陳不謗譽又謂之

欽定四庫全書

天中記
卷二十二

如初如周懼出告蔡大寶大寶知其旨笑謂之曰君當

不謗餘經正應不信法華耳如周乃悟

如虎袁天綱與韋挺游謂挺面如虎當以武處官挺善

隱太子薦為左衛率唐書

似高麗楊再思張易之兄司禮少卿同休請公卿宴其

寺戲曰公面似高麗上

黃面兒賈餗會曲江故事尹自門步入揖御史餗騎而

入御史揚儉蘇特固單餗曰黃面兒敢爾上

白面兒劉鄩末帝遣使者監督其軍鄩召諸將謀曰主上深居禁中與白面兒謀必敗人事上

面部三無李寬為常侍有門下士姓盧善相或問李公

如何曰據其面部所無者三無子無宅無塚公有數子

皆先公卒有宅未嘗還鄉居死于池州乘舟歸舟破沈

其骨金華子

能寒人面獨能寒何也曰頭者諸陽脈之會也諸陰脈

皆至頸項還不上獨諸陽一脈上頭故面能寒耳素諸

欽定四庫全書

卷二十二

陽之會皆在于面十二經脈三百六十五絡其血氣皆

上于面而走空竅其精陽氣上走於目而為睛其別氣

走於耳而為聽其宗氣上出於鼻而為臭其濁氣出於

胃走脣舌而為味其氣之津液皆上燠于面而皮又厚

其肉堅故天氣甚寒不能勝之也靈樞經

飾面夫心猶面首也一旦不脩飾則塵垢穢之人心不

思善則邪惡入之人盛飾其面而莫脩其心惑矣蔡邕女戒

眉

娥媚眉媚也有娥媚也釋名

華蓋眉號華蓋覆明珠明珠目也黃庭經

八采堯眉八采春秋元命苞有古強者自云已四千歲云見

堯舜禹湯說之了了世云堯眉八采不然也直兩眉頭

甚豎似八字耳抱朴子

虎眉文王虎眉帝王世紀

十二彩孔子眉十二彩世說

廣一尺伍子胥眉間廣一尺吳越春秋莫耶子赤鼻眉間一

欽定四庫全書

卷二十二

尺列仙傳干將子赤鼻眉廣三寸列士傳

去眉豫讓又漆身為厲滅鬚去眉自刑以變其容為乞

人而往乞策問

盱衡陳崇奏莽功德曰盱衡振色振揚武怒孟康曰眉

上曰衡盱衡舉眉揚目也漢書揚雄謂揚眉曰揚衡續博物志

赤眉天鳳五年樊崇起兵於莒王莽使平均公廉丹征

之崇等欲戰恐其眾與莽兵亂乃皆朱其眉由是號曰

赤眉東觀漢記後書作赤廉

愁眉元嘉中京都婦女作愁眉啼粧折要步齟齬笑所謂愁眉者細而曲折啼粧者薄拭目下若啼處墮馬髻

者作一邊折要步者足不在體下齟齬笑者若齒痛樂

不欣欣始自大將軍梁冀家所為京都歛然諸夏皆放

效天誠若曰兵馬將往收捕婦女憂愁蹙眉啼泣吏卒

掣頓折其要脊令髻傾邪雖強語笑無復氣味也後漢志

白眉蜀馬良字季常宜城人也兄弟五人並有才名鄉

里為之諺曰馬氏五常白眉最良眉中有白毛故以稱

欽定四庫全書

卷二十一

之襄陽著舊傳

布置庾公道王尼子非唯事事勝於人布置鬚眉亦勝

人我輩皆出其轅下語林

炙眉王澄在荊州終日酣飲不以衆務在意郭舒常切

諫之荆土士人宗厥常因酒忤澄澄怒叱左右林厥舒

厲色謂左右曰使君過醉汝輩何敢妄動澄恚曰別駕

狂耶誑言我醉因遣搗其鼻炙其眉頭舒跪而受之澄

意少釋而厥遂得免後事王敦諫敦敦曰平子以卿病

狂故拍鼻炙眉頭舊疾復發耶舒曰古之狂也直汲黯朱雲豈癡乎

伸眉頭宋王玄謨在雍州人間訛言欲反玄謨馳啟孝

武具陳本末帝知其虛馳遣主書吳喜公慰撫之又答

曰七十老公反欲何求聊復為笑想足以伸卿眉頭耳

玄謨性嚴未曾妄笑時人言玄謨眉頭未曾伸故以此

見戲南史

過目袁天綱帝在九成宮令視岑文本曰學堂堂夷眉

欽定四庫全書

卷二十一

復過目文才振于天下

覆眼毛若虛眉毛覆於眼性殘忍天寶末為武功丞

眉宇房瑄見元德秀歎曰見紫芝眉宇使人名利之心

都盡

通眉李賀字長吉為人纖瘦通眉長指爪能疾書唐書

不伸郭崇韜莊宗思得高樓避暑乃遣王允平營之宦

官曰郭崇韜眉頭不伸陛下雖欲有作其可得乎五代史

目

默限目默也默而內識也眼限也瞳子限限而出也名釋

目肝目肝之使春秋元命苞

大目伏犧大目孝經援神契

四目蒼頡四目是謂並明春秋引演圖

舜瞳舜重瞳子是謂慈原上應提攝下應三元元命苞

膠目管子縛束於魯鮑叔曰君欲霸王則臣不若管夷

吾桓公曰夷吾寡人之賊也射我者也不可鮑叔曰夷

吾為其君射人若得之則彼亦將為君射人君不聽鮑

欽定四庫全書

天中記
卷二十二

叔固讓果聽之於是使告魯曰管仲寡人讐也願得而

親加手焉魯許諾乃使吏轄其拳膠其目盛之以鳴夷

置之車中至齊境桓公使人以朝車迎之呂覽

如星衛蒯瞶亂子路與師往有狐黯者當師曰子欲入

耶曰然黯從城上係麻繩釣子路半城問曰為師也耶

為君耶曰在君為君在師為師黯因投之折其左股不

死黯開城欲殺之子路目如明星之光曜黯不能前黯

曰畏子之目願覆之子路以衣袂覆目黯遂殺之論語隱義

河目夫子適周見萇弘言終退萇弘語劉文公曰吾觀

孔仲尼有聖人之表河目而隆額黃帝之形貌也脩肱

而龜背長九尺有六寸成湯之容體也孔叢子

目論越王無彊與中國爭強北伐齊齊王使人說于越

王越王不納齊使者曰幸也越之不亡也吾不貴其用

智如目之見毫毛而不自見睫也今王知晉之失計不

知越之過是目論也史記

察毫離朱之明察毫末於百步之外下水尺不能見淺

欽定四庫全書

天中記
卷二十二

深非目不明其勢難親也慎子

映目田駟欺鄒君鄒君將殺之田駟恐告惠子惠子見

鄒君曰有人見君則映其一目奚如君曰我必殺之惠

子曰瞽映兩目君奚弗殺駟東欺齊侯南欺荆王駟之

於欺人瞽也君奚怨乃弗殺韓子

皆裂漢王詣鴻門謝項羽羽欲殺漢王樊噲帶劍擁盾

入軍門披帷西向立瞋目視羽鬚髮上指目皆盡裂史記

重瞳周生曰舜目蓋重瞳子又聞項羽亦重瞳子羽宜

其苗裔耶何興之暴也上顏回重瞳子劉王莽重瞳子本

呂光字世明身長八尺四寸目重瞳子左肘有肉印涼

記沈約左目重瞳子腰有紫痣聰明過人好墳籍聚書

至二萬卷都下無比梁隋魚俱羅相表異人目有重瞳

言聞數百步陰為煬帝所忌梁敬真希旨奏殺之北梁

康王友孜目重瞳子嘗竊自負以為當為天子五代李

煜重瞳子唐

懸珠東方朔上書云臣朔長九尺三寸目若懸珠齒如

欽定四庫全書

編貝漢

生蛆杜根諫和熹鄧后以安帝宜親政事太后大怒囊

盛撲殺之根詐死三日目中生蛆東觀

目盲曹操與丁冲親善聞其子儀為令士欲以愛女妻

之五官將曰女人觀貌而正禮目不便恐愛女未必悅

也後儀到與論議曰丁掾好士也即使其兩目盲尚當

與女何況但眇魏李神儁沙苑之敗策眇馬而起曰丁

掾力馬倒曰丁掾誤我北史八十八

刮膜魏武帝病眼令華佗以金篦刮膜

出瞳景王嬰孩時有目疾宣王令華佗治之出眼瞳割

去疾而納之傳藥沈約晉書初司馬師目有瘤疾使醫割之

文鴛之來攻也驚而目出懼六軍之恐蒙之以被痛甚

啗被而左右莫知焉遂卒晉

青白眼阮籍能為青白眼見禮俗之士以白眼對之及

稽喜來吊籍作白眼喜不憚而退弟康聞之乃齎酒挾

琴造馬籍大悅乃見青眼由是禮俗之士疾之若讎

欽定四庫全書

爛爛王戎形狀短小眸子洞徹視日而眼照不虧裴楷

見而目之曰戎眼爛爛如巖下電

閃閃裴令公有雋容姿一旦有疾至困惠帝使王夷甫

往看裴方向壁卧聞王使至強回視之王出語人曰雙

眸閃閃若巖下電精神挺動體中故小惡世

晚晚石季龍時太子詹事孫珍問侍中崔約曰吾患目

疾何方療之約素狎珍戲之曰溺中則愈珍曰目何可

溺約曰卿目晚晚正耐溺中珍恨之以白石宣宣於諸

子中最胡狀目深聞之大怒誅約父子

載記

目痛方范甯字武子嘗患目痛就張湛求方湛因嘲之曰古方宋陽里子少得其術以授魯東門伯魯東門伯以授左丘明遂世世相傳及漢杜子夏鄭康成魏南堂隆晉左太冲凡此諸賢並有目疾得此方云用損讀書一減思慮二專內視三簡外觀四旦晚起五夜早眠六凡六物熬以神火下以氣從蘊於胃中也七日然後納諸方寸脩之一時近能數其目睫遠視及極之餘長服

欽定四庫全書

卷二十二

不已洞見牆壁之外非但明目乃亦延年

晉書

引刀刺血符生號果粗暴嗜酒無賴祖洪甚惡之生無一目年七歲洪戲之問侍者曰吾聞瞎兒一淚信乎侍者曰然生怒引佩刀自刺出血曰此亦一淚也洪大驚

崔鴻十六
國春秋

屍瞳明亮潯陽周旭字孟威晉康寧中鎮於巴西為符堅所獲守節不屈堅使使者道旭躬治達陌謂使者云煩君語賊符堅何至仰煩國士如此又潛圖襲堅堅聞

之曰小人正欲覓死殺之適足成名耳乃苦考楚不食

而卒斂已經旬堅怒猶未歇剖棺臨視施屍歎迴眸鬢髮張裂精瞳明亮迴盼矚堅堅親而喜稱乃厚加贈賻

死異

道眇輒泣宋袁粲初忤于孝武其母候乘輿出負碑叩頭流血碑碎傷目自此後粲與人語有誤道眇目者輒

涕泣彌目

南史十六

白虹貫日褚彥回美姿貌善容止時以方何平叔袁粲

欽定四庫全書

卷二十二

曰褚公眼睛白多所謂白虹貫日亡宋者終此人也

上

謎眼魏威陽王元禧謀反適是左右惟尹龍虎從之禧

近不知所為謂龍虎曰吾憤憤不能堪試作一謎當思

解之以什毒問龍虎欸憶舊謎云眠則俱眠起則俱起

貪如豺狼賊不入已都不有心於規刺也禧亦不以為

諷已因解之曰此是眼也而龍虎謂之是

魏書

大眼王肅弟秉之初歸國也謂大眼曰在南間君之名

以為眼如車輪及見乃不異於人大眼曰旗鼓相望眼

眸奮發足使君目不能視何必大如車輪北史

千里眼楊逸為南秦州刺史為政愛人尤憎豪猾廣設耳目善惡畢聞其兵出使下邑皆自持糧人或為設食者雖在閤室終不敢進咸言楊使君有千里眼那可欺之魏書

眇目梁元帝武帝第七子也初武帝夢眇目僧執香爐稱託生王宮帝初生患眼醫療必增武帝自下意療之遂育一目南史劉諒字求信好學有文才為湘東王所善

欽定四庫全書

天中記
卷二十二

五

王嘗游江濱歎秋望之美諒對曰今日可謂帝子降於

北渚王有目疾以為刺已應曰卿言眇眇以愁予耶從

此嫌之傳元帝一目失明深忌諱之為湘東王荆鎮州

嘗使博士講論語至于見瞽者必變色語不為隱帝大

怒乃酖殺之廣異記王偉協侯景謀謨其文檄並偉所製

景敗見禽上五百字詩于元帝帝愛其才將捨之朝士

多忌乃請視偉作檄文云項羽重瞳尚有江東之敗湘

東一目寧為四海所歸帝大怒殺之景傳元帝母阮脩容

曾失一珠元帝時幼竊吞之謂是左右所盜乃炙魚眼以厭之信宿之間珠遂便出帝尋一目致眇蓋魚之報也顏延之鄧陵王綸賦詩戲之曰湘東有一病非啞復非聾相思下隻淚望直有全功

眇速高澄賈子儒相之曰人有七尺之軀不如一尺之面一尺之面不如一寸之眼大將軍臉薄眇速非帝王相也果如其言

欽定四庫全書

天中記
卷二十二

五

奕奕琅琊王儼武成帝第三子後主時儼惡和士開駱提波奢恣二人相謂曰琅琊王眼光奕奕數步射人由

是忌之北齊

青睛徐陵目有青睛時人以為聰慧之相也南史五

眼方眼方者壽千歲陶弘景晚年一眼有時而方仙書

視目不眩劉炫字光伯眸子精明視目不眩左手畫方

右手畫圓口誦目數耳聽五事同舉無所遺失隋書

視遠劉焯字士元犀額龜背望高視遠與劉炫結盟為

友以儒學知名世稱二劉